

MLH

MENNINGAR- OG LISTAFJELAG HAFNARFJARÐAR



Ólafur P. Gunnarsson, Erla S. Ragnarsdóttir, Kristinn Sæmundsson, Tómas A. Ragnarsson og Ingvar B. Þorsteinsson

Menningar- og listafélag Hafnarfjarðar var stofnað í vetur. Stjórn félagsins skipa þau Erla S. Ragnarsdóttir, kennari í Flensborg, einn eigenda gaflari.is og Dúkkulísa, Ingvar Björn Þorsteinsson, myndlistarmaður, Kristinn Sæmundsson, athafnaskáld og fyrrum kaupmaður í Hljómalind og tónleikahaldari, og Fjallabræðurnir Ólafur Páll Gunnarsson, tónlistarstjóri á Rás 2 og Tómas Axel Ragnarsson, rafvirki og tónlistarmaður. Öll eiga þau það sameiginlegt að vilja sjá Hafnarfjarðarbæ lifna við og dafna í takt við öflugt og lifandi menningarlíf.

Félagið ætlar sér að halda viðburði á eigin vegum, en einnig verða vettvangur upplýsinga og ráðgjafar til að auðvelda listamönnum að koma með viðburði til bæjarins. Félagið vill í nánustu framtíð virkja sem flest hús og mannvirki í bænum sem henta til menningarviðburða og býður fram krafta sína til skipulagningar á viðburðum á vegum bæjarins og sjálfstæðra aðila sem hyggjast vera með viðburði í bæjarfélaginu.

Félagið er óháð og ekki tengt neinum pólitískum samtökum á neinn hátt. Til að byrja með lítur félagið svo á að miðbær Hafnarfjarðar sé hjartað og vill félagið því styrkja hann sem best svo lífið fái streymt um æðar hans. Öllum líður jú vel með gott hjarta, svo ekki sé talað um hjartalag.

Ýmislegt er á döfnni hjá félaginu. Auk tónleikanna með Eivöru nú á sunnudaginn hyggst MLH blása til vestnorrænnar listahátíðar með fjölpjódlegu ívafi í bænum í sumar og um páskana verður haldin „Heima“, tónlistarhátíð að færeyskri fyrirmynd og hugmyndinni að Austurgötuhátíðinni blandað saman við. Heima er að forminu til tónleikar sem fara fram í nokkrum heimahúsum í bænum. Því til viðbótar er von á fjölda færeyskra listamanna af öllum stærðum og gerðum til landsins á komandi mánuðum og er það von okkar í MLH að sem flestir þeirra muni getað stoppað í Hafnarfirði og leyft okkur að njóta með sér lista og lífsins lystisemda.

Menningar og listafélag Hafnarfjarðar þreytir frumraun sína í menningarlífi Hafnarfjarðar næstkomandi sunnudag og stendur fyrir tvennum tónleikum með Eivöru Pálsdóttur og færeyskum félögum hennar. Tónleikarnir fara fram í Bæjarbíói sunnudaginn 16. febrúar, kl. 16 og 20 og eru liður í menningarfyribærinu Færeyskur febrúar sem nú dynur yfir landsmenn. Forsala miða fer fram á mlh.is

www.mlh.is

Eivør
& færeyskir félagar

Ylja
Sunnudaginn
16. febrúar
kl. 16.00 og kl. 20.00
Bæjarbíó Hafnarfirði



Sjá nánari umfjöllun á baksíðu



Færeyskur febrúar

Þessi dægrin er verið að leggja lokahönd á brú milli landa og verið að telja í Færeyskan febrúar á Íslandi. Nafnið segir sig sjálft og verkefnið sem framundan er verður með mjög fjölbreyttu sniði. Stór hópur listamanna er að koma hingað til lands til að fremja allskonar list í febrúar víðsvegar um landið, flestir koma frá frændum okkar í Færeyjum en einnig eru hljómsveitir að koma víðar að. **Dagskráin fyrir Færeyskur febrúar á Íslandi er eftirfarandi:**

12. febrúar

Gamli Gaukur kl. 21.00. Eivör Pálsdóttir með opna æfingu/blaðamannafundur. Miðaverð kr. 2000.

13. - 15. febrúar

Grandagarður 2. Rekjavík. „Föroyer 5.2. Hversu ljóða Föroyar“. Innsetning, vídeó og tónlist, sýnt á klukkutíma fresti. ORKA fremja tónlist leikna á eyjarnar sjálfar og Heyðrik á Heygum hefur gert magnað vídeóverk við þá ótrúlegu tónlist sem úr eyjunum streymir.

15. febrúar

Eivör Pálsdóttir ásamt Sinfóníuhljómsveit Norðurlands í Hofi. Uppselt á þennan viðburð.

16. febrúar

Bæjarbíó Hafnarfirði, kl 16.00 og 20.00. Eivör Pálsdóttir með færeyskum félögum. Tvennir tónleikar á vegum nýstofnaðs félags, Menningar- og Listafélag Hafnarfjarðar. Miðaverð 3500kr. Forsala á mlh.is

17. febrúar

Einka- og fjölmiðlakynning á Kex Hostel. Pakki á vegum Nordisk „Nye bands fra nord 2014“ kynntur. Samvinnuverkefni sem á rætur að rekja til Danmerkur og inniheldur 4 ungar skandinavískar hljómsveitir. BYRTA frá Færeyjum, Good Moon Deer frá Íslandi, Sea Change frá Noregi og Sekuoia frá Danmörku. Tónlistin er af rafrænum toga.

19. febrúar

Græni Hatturinn Akureyri. Nordisk pakkinn fyrir norðan, dagskrá hefst kl 20.00. Miðaverð 1000 kr.

20. febrúar

Harlem Bar Reykjavík. Nordisk pakkinn fyrir sunnan, dagskrá hefst kl 21.00. Miðaverð 1000 kr. Miðasala við hurð á báða þessa viðburði.

21. - 23. febrúar

Laila Av Reyni mun á næstunni heiðra Ísland með þokka sínum og sinni rómuðu tónlist á Stór-Reykjavíkursvæðinu. Dagskrá verður nánar auglýst síðar. Laila er raftónlistarmaður í melódíu deildinni. Þessa heimsókn bar brátt að og hefur ekki verið skipulögð til hlítar ennþá.



Færeyskt pönk

200 er besta pönkhjómsveit heims. Kjaffforasta, pólitískasta og fyndnasta hljómsveit Færeyja. Áherslupunkturinn er krafan um aðskilnað frá danska sambandsríkinu. Nafn hljómsveitarinnar er stytting á slagorði róttækustu sjálfstæðissinna: „200% loysing“ (200% aðskilnaður). Þetta magnaða pönktrío syngur á færeysku. Kjarnyrtri færeysku. Þegar fyrsta plata 200, 200%, kom út 2001 hrukku margir í kút. Bæði vegna harða pönkrokkans og þó enn fremur vegna herskárna texta. Opinber pólitísk umræða í Færeyjum er að öllu jafna á kurteisum og vinsamlegum nótum. Þó að mönnum greini á um - til að mynda afstöðu til danska sambandsríkisins - þá er skipst á skoðunum af varfærni og þess gætt að móðga enga. Líðsmenn 200 tóku og taka ekki þátt í kurteisishjalinu. Þeir voru og eru pönkarar sem rífa kjaft. Láta allt vaða óhræddir við að stuða. Færeyskur almenningur sýndi sterk viðbrögð. Í færeysku dagblöðunum var 200 trióið fordæmt. Í leiðara virðulega dagblaðsins Dimmalætting voru Færeyngar hvattir til að taka ekki þátt í meintri lágkúru 200. Færa ekki umræðuna niður á sama lága planið. Ungu fólkið tók 200 fagnandi sem nýjum og ferskum hljómi í færeyskri rokkmúsík og fannst hressandi að heyra sungið tæpitungulaust um danska sambandsríkið og sjálfstæði Færeyja. Söngvari 200 mat ágreininginn hljómsveitinni í hag. Leiðarar dagblaða eru gleymdir daginn eftir. Pönkrokkkið lifir. Pönksöngvar og pönkplötur eru spilaðar árum saman. Hljóma jafnvel betur í árunna rás en á útgáfudegi. Pönkrokkinn er að færeyska dagblaðið Dimmalætting varð gjaldþrota í fyrra og er úr sögunni. Pönksveitin 200 hefur hinsvegar aldrei verið vinsælli. 200 á harðsnúinn hóp aðdáenda á Íslandi. Siggí Pönk, söngvari Forgarðs helvítis, hélt því fram í tímaritinu Undirtónum að nauðsynlegt væri að hlusta á 200 til að heyra það besta í pönki. Óli Palli á Rás 2 setti lag með 200 á Rokklandssafnplötu og sagði það lag vera sitt uppahald.

Dreifing: kongoshop.com



Guðrið

Guðrið Hansdóttir er söngvaskáld, gítarleikari og söngkona (oftast bara kölluð Guðrið). Hún hefur spilað mikið á Íslandi og verið búsett hér með hléum. Þriðja og nýjasta plata hennar, „Beyond the Gray“, var á listum margra íslenskra gagnrýnenda yfir bestu plötur ársins 2011. Meðal annars í áramótauppgjöri Morgunblaðsins yfir 10 bestu erlendu plötturnar. Eldri plötur eru: „Love is Dead“ (2007) og „The Sky is Opening“ (2009).



Gítarleikarinn í Götu

Benjamin Petersen er ungur og lipur gítarleikari, söngvari og söngvaföndur frá Götu. Hann hefur löngum spilað með Eivöru. Bæði á hljómléikum og á plötu hennar „Larva“. Þar er hann meðhöfundur tveggja laga. Eivör syngur fjögur lög á sólóplötu Benjamins, samnefnda honum. Benjamin hefur margoft spilað á Íslandi við góðar undirtektir. Ekki aðeins með Eivöru heldur einnig á sólókonertum á Gauknum, Boston og Færeyskum fjölskyldudögum á Stokkseyri.

Færeyskt kántrý

Kántrý nýtur mikilla vinsælda í Færeyjum. Það einkennist af einlægni og virðingu fyrir tónlistarstílnum. Fjöldi færeyskra tónlistarmanna heldur sig alfarið við kántrý. Af þeim sem einna hæst bera í kántrý-senunni eru Eva Tausen og Hallur Joensen. Evi Tausen er ung söngkona (yfirleitt bara kölluð Evi). Hún nýtur vinsælda langt út fyrir Færeyjar. Hún hefur náð hátt á kántrývinsældalista víða um Evrópu. Þar á meðal 1. sæti á Írlandi, í Hollandi og Svíþjóð. Í fyrra var hún tilnefnd til Írsku kántrý-tónlistarverðlaunanna og sigraði í flokknum „Listamaður ársins á heimsmarkaði“ (International Artist of the Year). Hún hefur sent frá sér eina plötu, Wishing Well, og nokkrar smáskífur.



Byrta

Byrta er dansvænn rafútt Guðriðar Hansdóttur og Janusar Rasmusens. Janus er þekktastur fyrir hljómborðsleik með hljómsveitinni Bloodgroup. Samstarf þeirra Guðriðar og Janusar hófst 2012 og platan kom út í fyrra og gagnrýnendur hlóðu hana lofi. Á G!Festivalinu í Færeyjum var Byrta valin „besta nýja hljómsveitin“. Í kjölfarið var Byrta boðið að spila á Airwaves um haustið.

Byrta kemur fram á eftirfarandi hljómléikum undir merki Nordisk 2014

- Norræn tónleikaferð:
- 17. feb. - Kex Hostel kl. 20.00
- 19. feb. - Græni hatturinn, Akureyri kl. 20.00
- 20. feb. - Harlem Bar, kl. 21.00



Laila av Reyni

Þekktasti fatahönnuður og stillisti Færeyja er Laila av Reyni. Hún er einnig kennari, textilhönnuður, kórstjóri og söngkona. Laila hefur meðal annars hannað fatnað fyrir fulltrúa Dana í feðurðarsamkeppninni Ungfrú heimur 2012 og fulltrúa Dana í Miss Earth 2014. Laila var kunn sem bakradda- og dúettsöngkona um margra ára skeið. Í fyrra sendi hún frá sér sólóplötu.

Hallur er gamalreynður í bransanum (oftast kallaður bara Hallur). Hann hefur sungið með mörgum heimsfrægum kántrýstjórnum og sent frá sér fjórar plötur. Á nýjstu plötunni, Stars & Legends, eru á meðal fjöldi gestasöngvara: Kris Kristofferson, Charley Pride, Bellamy Brothers og Vince Gill. Vegna vinsælda erlendis eru flestir söngvar Halls á ensku. 2011 sendi hann frá sér plötu, Enn stendur hurðin opin, með textum á færeysku.

Færeyskt þungarokk

Hamferð er ein helsta þungarokkshljómsveit Færeyja. Músikstíllinn er dökkur dómdagsmálmur (doom metal). Söngvarinn, Jón Aldará, hefur mjög breitt raddsvið. Hann sveiflar sér léttilega á milli söngstíla, allt frá því að rymja drungalega og upp í bjarta hátóna. Hann er einnig söngvari og lagahöfundur finnskrar þungarokks-súpergrúpu. 2010 sigraði Hamferð í færeysku Músiktilraunum, Sementi. Tveimur árum síðar sigraði Hamferð í lokakeppni alþjóðlegru þungarokks-hljómsveitakeppinnar Wacken Open Air. Keppnin og samnefnd stærsta árleg þungarokkshátíð heims fer fram í Þýskalandi. Sama ár tóruðu Hamferð og Skálmöld saman um Ísland og Færeyjar. Meðal annars spiluðu þær á Neistaflugi. Týr er vikingametalhljómsveit sem hratt af stað færeysku bylgjunni á Íslandi 2002 með ofursmellinum „Ormurin langi“. Hann varð mest spilaða lagið á Íslandi það árið. Í dag er Týr stórt nafn á heimsmarkaði. Nýjar plötur með Tý ná hátt á almenna vinsældalista víða um heim. Platan „The Lay of Thrym“ fór í 1. sæti CMJ vinsældalistans 2011 (mælir spílun í útvarpsstöðvum bandarískra og kanadískra framhaldsskóla. Hérlandis er oftast talað um þá sem bandaríska háskólaútvarpið). Alls hefur Týr sent frá sér 7 plötur. Söngtextar bæði á færeysku og ensku.



Marius

Hans Marius Ziska er þekktur sem tónlistarmaðurinn Marius og einnig sem forspraki hljómsveitarinnar Marius. Skilin á milli hljómsveitarinnar og sóloartistans eru ekki alltaf skýr. Marius var af mörgum talin/n vera arftaki færeysku súpergrúppunnar Clickhaze fyrir áratug eða svo. Metnaðarfull og framsækinn tónlist, sjálfstæður still, góð lög. Hann hefur komið fram á fjölda hljómléika á Íslandi og átt vinsælt lag, Tokan, sem hann gerði með Íslendingnum Svavari Knúti. Tokan náði hátt og dvaldi lengi á vinsældalista Rásar 2. Það var einnig mjög vinsælt í Færeyjum.

Ítarlegt viðtal við Eivör Pálsdóttur á www.gafhari.is



Tónlistarhátíðir í Færeyjum

Stærsta árlega rokkhátíðin í Færeyjum er G!Festival í Götú. Þangað mæta um 7500 gestir og skemmta sér konunglega yfir heila helgi um miðjan júlí. Öll stærstu tónlistarnöfn Færeyja hafa komið fram á G!Festivali ásamt íslenskum tónlistarmönnum (Mugison, Ásgeir Trausta, Skálmöld, Hjálmmum, Pétur Ben og svo framvegis) og heimsþekktum nöfnum (Europe, Nephew, Bill Bourne, Lisa Ekdahl, Kashmir, Messhugah...).



Ólafsvakan er þjóðhátíð Færeyja. Ólafsvökukvöldið er 29. júlí. Dagskrá Ólafsvökunnar spannar fleiri daga. Það eru skrudgöngur, kappróður, kappreiðar, ræðuhöld, sölutjöld um allan miðbæ Þórshafnar og allskonar. Hápunktar Ólafsvökunnar eru tveir. Annarsvegar er það Ólafsvökukonsertinn. Hinsvegar er það hringdansinn á miðnætti Ólafsvökukvöldsins. Þá fara 20 þúsund manns út á götu, krækja saman höndum og dansa og syngja kvæðalagið „Ormin langa“ í hálf tíma. Ólafsvökukonsertinn er kvöldið áður. Þar koma fram allar helstu rokkhljómsveitir Færeyja. Það er stór viðurkenningarstimpill fyrir hverja hljómsveit sem kemur fram. Hún er komin í hóp þeirra stærstu og telst þaðan í frá vera í hópi stærstu nafna í færeyskri rokksenu. Vegna dýrðarljóma G!Festivals er Ólafsvökukonsertinn á síðustu árum kallaður Ó konsert.



Um mánaðarmótin jan-feb fer fram djasshátíðin Vetrardjass. Þar koma fram helstu djasshljómsveitir Færeyja ásamt erlendum gestum.

Summartónar er tónlistarhátíð sem stendur yfir í 6 vikur frá og með seinni hluta júní og fer fram þvers og kruss um allar Færeyjarnar. Summartónar eru ekki bundnir við einn músíkstíl. Þar er boðið upp á vísnatónlist og rokk og allt þar á milli.

Summarfestival er önnur stærsta árleg útihátíð í Færeyjum á eftir G!Festivali. Summarfestival er haldið í Klakksvík (færeysku Akureyri, höfuðstað Norðurlands/Norðreyjanna). Dagskráin er léttari og „poppaðri“ en á G!Festivali. Á Summarfestivali er alltaf boðið upp á - í bland við færeyska poppara - einhverjar heimsfrægar poppstjörnur á borð við Shakin' Stevens, Kim Wilde, The Scorpions og Mika. Summarfestival er aðra helgina í ágúst.

Eitt merkasta fyrirbæri í færeyskum tónlistarhátíðum heitir Hoyma. Þar er um að ræða 20 hljómleika í 10 heimahúsum í Götú. Þarna geta verið í órafmagnaðri útgáfu hljómsveitir allt frá þungarokkshljómsveitinni Hamferð til kántrýboltans Halls Joensens. Í ár er Hoyma aðra helgi í mars.



Svona hljóma Færeyjar

Fimmtudaginn 13. febrúar kl. 12.00 verður opnuð ótrúleg og spennandi sýning í Gamla Saltfélaginu á Grandagarði 2 í Reykjavík. Sýningin ber yfirskriftina „Föroyar 5.2“. Undirtitillinn er „Hvernig hljóma Færeyjar?“.

Um er að ræða sjón- og tónlistargjöfning Jens L. Thomsen, forsprakka hljómsveitarinnar Orku, og jarðfræðingsins Una Ártung. Þeir ferðuðust til fimm jarðfræðirannsóknarstaða á jafnmörgum eyjum Færeyja. Þar spiluðu þeir á Færeyjarnar í bókstaflegri merkingu. Með grjóthnullungum, sleggjum og borum börðu þeir og boruðu í klappir og kletta. Útkoman varð áhugaverð tónlist. Ferlið var kvikmyndað og framreitt af Heiðrik á Heygum í 25 mín. langt myndband. Heiðrik er helsti tónlistarmyndbandahöfundur Færeyja.

Verkið var frumsýnt fyrir tveimur árum og hefur fengið einróma lof. Það verður spilað í Gamla Saltfélaginu á klukkutímastærri á heila tímanum til klukkan 19.00. Föstudaginn 14. febrúar og laugardaginn 15. febrúar hefst sýningin klukkan 14.00. „Föroyar 5.2“ er ekki fjarlægð þeirri tónlist sem Jens L. Thomsen hefur gert með hljómsveitinni Orku síðan 2005. Þar eru aldrei notuð nein hefðbundin hljóðfæri heldur verkfæri sem Jens fann á sveitabæ. Orka hefur sent frá sér 3 plötur. Þessi viðburður er partur af Vetrarhátíð í Reykjavík

Komdu út að keyra...
Berlín · Amsterdam · París
Róm · Barcelóna?

DANMÖRK
2 fullorðnir með fólkabíl
Staðgreitt fyrir 1. mars
64.200 á mann

FÆREYJAR
2 fullorðnir með fólkabíl
Staðgreitt fyrir 1. mars
32.700 á mann

Bókaðu núna!

10% afsláttur
Staðgreitt fyrir 1. mars
Á ferðum fram og til baka, gildir ekki með öðrum tilboðum.

Skraðu þig á postlistann á www.smyrilline.is og þú getur unnið ferð til Færeyja

Hópfaró með Þúsa á Brekku 6. árið í röð



10. - 15. september
Færeyjarferð með Þúsa á Brekku og Svenna frá Hafursá. Skoðunarferðir, skemmtun, matur, gjafing og íslensk fararstjörn.

Verð á mann frá kr. 139.900

Miðað við 2 saman.

- Innihaldið í verði:
- Ferð með Norrænu
 - Hótel Færeyjar í 4 nætur
 - Moegunmatur og kvöldverður
 - Skoðunarferðir
 - Íslensk fararstjörn

Bókaðu
anemmal!
Uppselt
óll árin

Húsbíla/Hjólhýsatilboð



26. júní eða 3. júlí
Stoppað í fallegu Færeyjum á útleið í 3 daga, siglt til Danmerkur á sunnudagskvöldi. Góða ferð! Tilmálað pláss, bókaðu anemmal.

Staðgr. kr. 104.900

Á mann miðað við 2 fullorðna

- Innihaldið í verði:
- Ferð með Norrænu fram og til baka
 - 2ja manna klefi án glugga

Staðgr. kr. 56.400

Á mann miðað við 2 fullorðna + 2 börn (3-11 ára)

- Innihaldið í verði:
- Ferð með Norrænu fram og til baka
 - 4ra manna klefi án glugga

* Lengd ferðar á milli allt að 12 metrum. Aukagjöld greiddur fyrir hearn anfrum metru. Síðasta brottfarir frá Danmörku er 29.07.14.

Bókaðu
anemmal!
Uppselt
2013

Frábært
tilboð

570-8600 / 472-1111 · www.smyrilline.is



Stangarhyl 1 · 110 Reykjavík
Sími: 570-8600 · info@smyril-line.is



Fjarðargötu 8 · 710 Seyðisfjörður
Sími: 472-1111 · austfar@smyril-line.is

Hafnfirðingar vilja Enga fordóma í Júróvisjón



Það er óhætt að segja að vaxandi áhugi sé á meðal Hafnfirðinga vegna lokakvölds Söngvakeppni RÚV sem fram fer á laugardaginn því á meðal þeirra fimm laga sem keppa til úrslita eru hinir hafnfirsku Pollapönkarar með lagið sitt Enga fordóma. Pollapönkarar fá hauginn allan af hvatningarorðum og kveðjum á fésbókarsíðu hljómsveitarinnar þessa dagana og er ljóst að Hafnfirðingar ætla að styðja vel við bakið á sínum mönnum. Úrslitin fara fram í Háskólabíói en sigurvegari keppinnar keppir fyrir Íslands hönd í Júróvisjón, Söngvakeppni evrópskra sjónvarpsstöðva sem fram fer í Kaupmannahöfn í maí næstkomandi. Sex lög keppa til úrslita, en það eru löggin Þangað til ég dey með F.U.N.K., Lífið kviknar á ný í flutningi Siggu Eyrúnar, Amor í flutningi Ásdísar Maríu Viðarsdóttur, Eftir eitt lag í flutningi Gretu Mjallar Samúelsdóttur, Von sem Gissur Páll Gissurarsonar syngur og síðast en ekki síst hinir hafnfirsk ættuðu Pollapönkarar með lagið Enga fordóma. Eru Hafnfirðingar hvattir til að styðja sína menn –Pollapönk 900 9906!



Hafnarfjörður

Hafnarfjörður er eins og nafnið gefur til kynna hafnarbær. Hann veit allur niður að höfninni, um hana hverfðist menningin fyrr á tíðum og leifar þess er Strandgatan sem telja má kjarna miðbæjarins í dag. Hafnarfjörð vanhagar ekki um neitt, við eigum lystigarðinn Hellisgerði, stórt og gott bókasafn, frábær kaffihús, fina ísbúð og fiskibúðir og fata- og skartgripabúðirnar okkar bitu af sér kreppuna, blómstra og draga nú að sér kúnna víða að. Hafnarfjörður er því orðinn þekktur sem tíska- og hönnunarbær. Fjörukráin er orðin kennileiti á pari við Vitann og er þar nú komið annað hótél til viðbótar við Hótél Hafnarfjörð.

Bæjarbíó hefur undanfarin ár verið rekið af Kvikmyndasafni Íslands og stendur nú til að auka enn við uppákomur í því glæsilega gamla húsi. Hafnarborg stendur vaktina með glæsibrag sem framsækið listasafn. Sundlaugarnar eru fleiri en greinarhöfundur hefur þrek til að telja upp og íþróttafélögin raða sér í fremstu röð í þeim greinum sem þau einbeita sér að. Bæjarblöðin eru þó nokkur og nú síðast bættist Gaflari.is í flórana og stendur vaktina á netinu með árvökulu auga. Tónlistarskóli, flugvöllur, þótt ekki sé hann stór, HLH, Kátir Piltar, Pollapönk, lúðrasveit, víkingasveit, álfar, kindur innan bæjarmarkanna, sem hlýtur að teljast einhverskonar sveit, hestahverfi, lífrænar matvöruverslanir – allt þetta og svo miklu fleira prýðir okkar fallega bæ í hrauninu.

Hafnarfjörður hefur hlúð að og fóstað alls kyns menningu svo lengi sem elstu menn muna og viljum við í Menningar- og listafélagi Hafnarfjarðar leggja okkar af mörkum til að viðhalda þeirri góðu hefð.

Nýtt myndband

frumsýnt

föstudaginn

14. febrúar

eivör
presente
rain
14/2/14 official video release
Directed by Harðrik & Bryggja



Eivör í Bæjarbíói í Hafnarfirði

Eivör er ein besta og fjölhæfasta tónlistarkona heims. Hún semur jöfnum höndum, spilar og syngur vísatónlist, djass, raftónlist, sálma, blús, barnagælur, óperuaríur, rokk, tripp-hopp, kántrý, big-band sveiflu, spunna leikhúsmúsík og svo framvegis. Laugardaginn 15. febrúar syngur Eivör í Hofi á Akureyri með Sinfóníuhljómsveit Norðurlands. Eiginmaður Eivarar, Tróndur Bogason, útsetti nýleg og eldri lög hennar fyrir hljómsveitina. Það var strax uppselt á hljómleikana.

Sunnudaginn 16. febrúar er Eivör ásamt rafmagnshljómsveit með hljómleika í Bæjarbíói í Hafnarfirði. Hljómsveitina skipa Tróndur Bogason á hljómborð, Mikael Blak á bassa, Högni Lisberg á trommur og Magnús Johannesen spilar á píanó. Hljómleikarnir hefjast klukkan 16:00 og 20:00.

Menning og list í Hafnarfirði



Hafnarborg býður einnig upp á tónleikadagskrá, Hljóðön, í vetur, sem tileinkuð er tónlist frá 20. og 21. öldinni. Fyrstir til að ríða á vaðið eru þeir Borgar Magnason, kontrabassaleikari, spuna- og tónskáld og Páll Ívan frá Eiðum, hljóðfæraleikari og tónskáld. Tónleikar þeirra, Samræða og tákn, fara fram sunnudaginn 9. mars.



Hafnarborg er framsækin menningar- og listamiðstöð í hjarta miðbæjarins. Tvennar sýningar standa þar nú yfir, einkasýning Haraldar Jónssonar í Sverrissal, H N I T, þar sem sýnd eru ný verk Haraldar, teikningar og skúlpúta. Í aðalsal safnsins stendur svo yfir sýningin Pitt er valið – síbreytileg sýning á verkum úr safneign Hafnarborgar valin af almenningi. Þessar sýningar standa yfir þar til um miðjan mars, en seinni hlutann í mars verða settar upp tvær sýningar í tengslum við hönnunarmars, ShopShow sem er sýning á norrænni samtímahönnun og sýning á úrvali prentverka frá árunum 1957 – 1993 eftir Íslandsvininn Dieter Roth.

Eftirtalin fyrirtæki styðja MLH til góðra verka í Hafnarfirði:

